



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 14. Guisius Dux prope Aureliam occisus.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. rebellium caput evaserat, Belsiam peragrabat, ut reliquum hyemis tempus in Secalonienſi, & Bituricenſi ditione tranſigeret, ubi a Calvini fautoribus Eccleſiæ diripiebantur, fuſisque vaſibus argenteis inde militibus ſtipendia numerabantur, nec minus Sulliacum exiguum quoddam oppidum die decima quarta Januarii hoc anno Domini quingentimo ſexageſimo tertio ſupra milleſimum capiebatur, dum triginta Sacerdotes miſere trucidati, & plures alii in Ligerim flumen projecti ſunt.

§. XIV.

*Guifius Dux prope Aureliam occiſus.**Thu. l. c.*

Sub idem tempus Guifius Dux, qui regiſ copiis præerat captoque Montmorentio Conneſtabili plena fruebatur auctoritate, Stampas, & Pluverium recuperabat: poſtquam vero Colinius eundem Ducem cum Regis exercitu Aurelianenſi urbi appropinquare compere rat, ipſus eo prompte accurrit, ut hanc civitatem pro diuturna, ac valida expugnatione munitam redderet: cum autem ſeſe illuc includere nollet, Andelotum Fratrem ſuum ibidem reliquit, ut urbem propugnaret, ipſe autem cum Germano equitatu Normaniam verſus contendit, ut ibidem pecunias ſibi ab Anglis

Anglis transmissas reciperet. Dux ^{Sæcul. XVI.} Guisius, cum se Calvinistas extirpaturum speraret, si Aureliam sibi subjiceret, copias suas huic urbi admovit, atque illam die sexta Februarii obsidione cinxit: Verum præmatura illius mors hujus expeditionis successum præpedivit, quippe Dux sclopeti ictu a Joanne Politro Engolismensi Nobili, ac Calvinianæ sectæ addictissimo die decima octava Februarii periculose feritur, cumque hoc vulnus lethale esset, die vigesima quarta ejusdem Mensis Dux animam Deo reddidit. Perpetrato hoc scelere mox Politrotus ad Aurelianensem sylvam aufugit, sed altera die captus, ac die vigesima prima quæstioni subjectus paucis post diebus in eum mortis sententia pronuntiata est, sed Parisios abductus, ut ibidem extremo afficeretur supplicio, inter tormenta animam egit: cum autem manifestasset, quod a Colinio Maris Præfecto ad trucidandum Guisium sollicitatus fuisset, hic, ut crimen a se amoveret, apologiam vulgavit, quæ tamen ferme nulli veritatis suspensionem ademerat, quamvis eidem parcere consultum videretur, atque aliunde temporis vicissitudines cogèrent, ut saltem eum, cum innocens credi non posset, tanquam reum condemnare nemo auderet. Pa-
riter

A C 1563.

Sæcul. XVI.
A.C. 1563. riter Theodorus Beza, qui turbulentis suis sermonibus ad seditionem plurimum conferebat, cum haud ultra tutum sibi in Galliis asylum fore censeret, Genevam aufugit, ubi continuata in veram Religionem rabie tumultuabatur.

§. XV.

Reginæ studium de Wittembergensi Duce in Franciam advocando.

Eodem tempore Regina Franciæ Administratrix, cum suam auctoritatem, quam per Guisium Ducem possederat, ex illius obitu imminui pertimeret, sæpius Henricum Clutinium Oisellum, & Lemovicensem Episcopum ad Condæi Principis uxorem, & ad Andelotum ablegabat, ut cum illis de pacis conditionibus ageret: Attamen Regina postmodum verita, ne suæ dominandi libidini magna Condæi Principis auctoritas obstaret, in rerum administratione secundum a se locum Christophoro Wirtembergæ Duci, ac Germaniæ Principi vindicare statuit, hancque in rem Rascalonem olim Guisio Duci addictissimum ad eundem decrevit, dato negotio, ut hunc Principem in Gallias, aut saltem ad regni fines accedere rogaret, cum illinc quoque protinus contendere, Regina polliceretur.

Exce-